

Nivel 4



Sally nia meias májika mak fó sorte



Hakerek-na'in: Rhianne Conway
Ilustrasaun husi Adriana Cifuentes Acosta

Sally nia meias mājika mak fó sorte



Hakerek-na'in: Rhianne Conway
Ilustrasaun husi Adriana Cifuentes Acosta

Library For All Ltd.



Library For All mak organizasaun Australian ne'ebé *not for profit* (la buka lukru).
Library For All iha misaun hodi ema hotu iha asesu ba koñesimentu. Ami koko atinje
misaun ne'e liu husi biblioteka dijitál ne'ebé inovativu.
Vizita ami iha libraryforall.org

Sally nia meias májika mak fó sorte

Publikasaun dahuluk 2018
Publikasaun dahuluk lian Tetun 2019

Publikadu husi Library For All Ltd
Email: info@libraryforall.org
Website: libraryforall.org



Livru ida ne'e iha lisensa husi Atribuisaun-La'ós komersiál-la ho Derivativus 4.0
Lisensa Internasionál nia okos ba Kreatividade Jerais. Atu haree kópia lisensa ne'e, bele
haree iha <http://creativecommons.org/licenses/by-nc-nd/4.0/>.



Ilustrasaun orijínál husi: Adriana Cifuentes Acosta

Sally nia meias májika mak fó sorte
Conway, Rhianne
ISBN: 978-1-922331-74-8
SKU00959

Sally nia meias májika mak fó sorte



Sally gosta loos joga bola basket.
Nia bele lori bola bá-mai, pasa
bola, no hatama bola ba argola
ho di'ak. Nia halimar bola basket
kapás tebes, maibé nia iha segredu.
Nia iha meias májika ne'ebé fó
sorte ba nia.

Sally nunca falta hatais nia meias
májika bainhira nia joga bola
basket. Nia meias ne'e halo nia
halai lailais no ajuda nia haksoit
aas. Se nia la hatais meias ne'e, nia
sente la bele joga bola basket.





Loron ida, Sally nia ekipa bola
basket atu hasoru ekipa seluk. Nia
hatais nia faru no kalsa bola basket
nian. Depois nia buka nia meias
májika. Nia meias májika la iha!

Sally sente konfuzoun. Nia inan
sempre tau nia rounpa moos iha
armáriu ne'e nia laran. Nia meias
iha ne'ebé?





Sally hanoín dalaruma nia meias
monu ba rai. Nia buka iha kama
okos, no fatin sira seluk iha nia
kuartu. Nia la bele hetan nia meias
májika!

Sally hanoïn dalaruma nia meias
tama hamutuk ho nia biin nia
roupa. Nia tama ba nia biin
nia kuartu no buka nia meias.
Nia meias la iha iha-ne'ebá!





Sally hanoín keta nia asu foti nia meias? Nia halai ba li'ur no buka nia meias iha asu nia fatin. Nia la hetan nia meias májika iha-ne'ebá.

Sally hanoín barak loos. Se nia
la hetan nia meias lalais, nia atu
tarde!





Sally deside atu haree fila fali nia
kuartu dala ida tan. Bainhira nia
besik odamatan, nia para. Nia bele
horon buat ida ne'ebé dois.



Nia la'o tuir dois ne'e, to'o nia
hetan nia sapatu bola. Nia haree
ba sapatu laran, no haree katak nia
meias mājika mak iha laran. Maibé
nia meias ne'e dois loos!





Nia horon nia meias dala ida tan.
Semana kotuk nia haluha fase nia
meias depoizde joga bola basket!
Agora dois liu, nia labele hatais
meias ne'e. Nia tenke hatais meias
seluk.

Sally sente ta'uk bainhira nia
la'o ba fatin joga bola basket. Nia
lakohi soe bola bá-mai ho nia
kolega sira antes jogu komesa. Nia
tuur nonook iha kadeira, hateke
tun ba nia meias ne'ebé meias
baibain de'it, la'ós meias májika.





La kleur jugu hahú ona. Bainhira
nia foin komesa joga, Sally la joga
hanesan baibain. Maibé neineik,
neineik nia komesa fiar an fali. Nia
sei bele pasa bola nafatin. Nia sei
bele halai maka'as. Dala balun nia
haksoit aas liu kolega sira seluk.
Nia mós hatama bola ba argola!

Bainhira jogu ramata, Sally
hakfodak tebes. Nia halimar di'ak
liu duké jogu seluk, maske nia la
hatais meias májika! Sally haree
meias baibain ne'ebé nia hatais, no
hamnasa. Agora nia hatene, nia la
presiza májika atu bele joga bola
basket.





Maibé ba oin, nia nunca haluha
atu fase nia meias májika. Maske
nia la presiza hatais atu joga di'ak,
nia sei hakarak hatais nafatin!

**Ó bele uza pergunta hirak ne'e hodi
ko'alia kona-ba livru ne'e ho ó-nia
família, belun sira no mestre sira.**



Ó aprende saida husi livru ne'e?



**Ho liafuan ida ka rua deskreve livru ne'e.
Kómiku? Halo ta'uk? Halo kontente?
Interesante?**



**Ó sente oinsá bainhira ó lee hotu tiha
livru ne'e?**



**Parte ida ne'ebé mak ó gosta liu husi livru
ne'e?**

Download ami-nia app ba lee-na'in sira iha
getlibraryforall.org

Kona-ba kontribuidór sira

Library For All servisu hamutuk ho hakerek-na'in no artista sira husi mundu tomak atu dezenvolve istória ne'ebé relevante, qualidade di'ak no kona-ba tópiku oioin. Ami halo istória hirak ne'e ba lee-na'in labarik no joven sira.

Vizita website libraryforall.org atu hetan informasaun atuál kona-ba ami-nia workshop ba hakerek-na'in, informasaun kona-ba oinsá atu submete livru ba publikasaun, no oportunidade kreativu seluk.



Ó gosta livru ne'e?

Ami iha istória orijinal atus ba atus ne'ebé ita bele lee.

Ami servisu hamutuk ho hakerek-na'in lokal sira, edukadór sira, konsellu kultura nian, Governu no ONG sira atu lori ksolok lee ba labarik sira iha fatin ne'ebé de'it.

Ó hatene?

Ami kria impaktu global iha área hirak ne'e tanba ami servisu tuir **Objetivu Dezenvolvimentu Sustentavel** Nasoens Unidas nian.



libraryforall.org



Ó lee livru iha nivel ida ne'ebé?

Foin aprende

Nivel ida

Nivel rua

Nivel tolu

Nivel haat

Livru iha nivel ne'e iha liafuan foun no fakta foun barak.

Primária klaran

Primária leten

libraryforall.org
#lettheworldread

ISBN 978-1-922331-74-8

